



UNIVERSITÄTS-
BIBLIOTHEK
PADERBORN

Universitätsbibliothek Paderborn

Clavdii Espencei Theologi Parisiensis De Evcharistia, Eivsque Adoratione, Libri Qvinque

Espence, Claude d'

Parisiis, 1573

Cap. XII. Almaricana.

urn:nbn:de:hbz:466:1-30397

Almaricana. Cap. XXII.

Orum post annos plus minus ducentes, anno nimirum Domini circiter 1200. successorem facit Almericum quendam Bernardi Lutzemburgi catalogus, secutus Cesarij Cisterciensis dialogos de variis inscriptos, quorum initium citat Tritemius, ex Gesuero non constat editos. Hunc igitur cum suis asseruisse non aliter Christi corpus in altaris esse pane, quam in alio pane, aut etiam re quavis alia. Quo ferunt modo ex nouatoribus hodiernis cuidam excidisse vt diceret, id non magis hinc in cœna esse quam in cœno. Quod licet fortiter negauerit, consequens tamen est ad id quod peræquè fortiter asserit, id tam procul à cœna abesse quam cœlum à terra, itaque neutrobi esse, in cœna inquam, aut cœno. Sed sit huius Almariciani erroris penes eos fides. Nam qui alios eiusdem errores recensent, tale nihil ei tribuerunt. Non Platina in Innocentio III. sub quo in Concilio Lateranensi eius dogmata condemnata sunt, alioqui non tam hæretica quam insana, iuxta Decretalem Innocentianã, Non annales nostri sub Philippo Augusto, Non Antoninus Florétinus, suo hinc, vt vbiq; penè, more, satis alioqui copiosus, nisi quòd Vincentij Ipeculum secutus, non tam eum quam illius successores, addit non Eucharistiã modò, sed reliqua quoq; sacramenta exufflasse, impudenter asserentes, vt vterè, quæ patris fuerit, legem eiusq; sacramenta à Mose ad Christum, sic nonam, Christi, eiusq; sacramenta à Christo ad eos vsq; durasse, viguisse, finem habuisse, & absoluta amplius locum non habere. Spiritus autem sancti tempora tum incepisse, cuius vnusquisque tantum gratia intus infusa, sine vllò exteriore operũ vel sacramentorum adminiculo, saluus esse posset. Dogmata modernis partim Anabaptisticis, partim Lutheranis, & nouis reformatoriis non absimilia. Almericum ergo Carnotensem, Bena Oriundum, Parisiensem magistrum artium & Theologiæ, damnatum, & recantare coactum, animo, tædio, ac languore demortuum, pone D Martini sepultum, post exhumatum, cum sectariis deprehensis & conuictis, præter mulieres & simplices, quibus per ma-

S iij

*Besza id
negavit Pef
fici. ann.
1561.*

*Alphonsus
de castro, in
titulo de Eu
charistia.*

*Extra. de
Sum. Trini.
ca. Damna
mus.*

*Guag. li. 6.
Pact. 3. Ti
tul. 19. ca. 1.
paragra. 7.*

iores deceptis parcitum est, extra portam in Campellis crematum, nisi quòd ferunt quidam de autoribus tantum sumptam pœnam, clericis honore & dignitate priuatis, laicis igni absumptis, vt qui stupris & adulteriis impunitatem promitterent, &c.

Albigesia Albanensia Agenensia.

CAP. XXIII.

*Guaguin.
Et Antoni.
vbi supra
paragraphe
3.4. Et c.3.
paragra.1.*



DE Albigesiis eodem penè tempore merita miratur Francus historiographus, eorum dogmata neminem notum scriptorem ad hanc ei diem reliquisse. Et cum hæreticos eos vocent, & ob eam culpam exterminatos autores tradant, genus tamen hærescos prætereire, ne Antonius quidem eorum aliquid præter bellum plura quã ciuile attigit. Et multò minus Platina vbi paulò antè. Hinc eos alij Manicheos Arianos alij, alij alios fuisse coniciunt. Cuperem in lucè exire Cisterciensem Cæsarium, nam is ordo in eis oppugnandis palmam obtinuit, & scriptor eodem tempore floruit. Interim qui eum aliquoties allegat Bernardus Lutzemburgus, scribit eos sacramentum corporis & sanguinis Christi blasphemasse, adeo vt fuerint qui in eius contemptum ac confusionem alij volumen sacri Euangelij comminuerint, alij iuxta altaria ventrem purgauerint, & altari palla sceditatem suam deterferint, alij scorto super altari posito sinu abusi. Hæc eorum fuit in sacram Eucharistiam, & Eucharisticam supellectilem irreuerentia. Nobis eorum sensu exquirètibz commodum ac opportunè lucem primùm vidit eorum æqualis Petrus monachus Cisterciensis, Vallis in agro Parisiensi, historicus hoc fide dignior, quo rebus tam gestis præsentior, cuius tamen fides sit penes gallicam versionè, quæ anno Domini 1569. hîc prodit. Hæc inter alia eorum dogmata hoc publicè quoque eos docuisse scribit, hostiam sacrosancti corporis Iesu Christi nihil à pane laico, quem vocant, sine communi differre, simplicium auribus blasphemiam hanc